

L I G J
Nr.7817, datë 21.4.1994

**PËR DISA NDRYSHIME NË LIGJIN NR.7581, DATË 7.7.1992 “PËR ÇMIMET DHE
TARIFAT”, NDRYSHUAR ME LIGJIN NR.7646, DATË 8.12.1992**

Në mbështetje të nenit 16 të ligjit nr.7491, datë 29.4.1991 “Për dispozitat kryesore kushtetuese”, me propozim të Këshillit të Ministrave,

KUVENDI POPULLOR
I REPUBLIKËS SË SHQIPËRISË

V E N D O S I :

Neni 1

Në ligjin nr.7581, datë 7.7.1992 “Për çmimet dhe tarifat”, ndryshuar me ligjin nr.7646, datë 8.12.1992, pas nenit 5 shtohet neni 5/1 me këtë përmbajtje:

“Të gjithë personat juridikë a fizikë detyrohen të afishojnë ose shpallin në vende të dukshme dhe me estetikë çmimet e shitjes me pakicë e me shumicë për gjithë artikujt dhe mallrat që tregtojnë dhe për shërbimet që ata kryejnë”. Për cilësinë e mallrave që tregtohen veprohet sipas ligjit nr.7630, datë 28.10.1992 “Për standardizimin dhe cilësinë”.

Neni 2

Paragrafi i parë i nenit 8 ndryshohet si vijon:

“Moszbatimi i çmimeve dhe i tarifave të caktuara nga Këshilli i Ministrave, kur nuk formojnë vepër penale, dënohen si kundërvajtje administrative me gjobë nga 5 mijë deri në 50 mijë lekë për çdo rast nga policia financiare. Në raste të përsëritura dënohen edhe me sekuestrim të mallit e deri në mbylljen e veprimtarisë nga 6 deri në 12 muaj.

Mosrespektimi i kërkesave të nenit 5/1, kur nuk formon vepër penale, dënohet si kundërvajtje administrative me gjobë nga 500 deri në 5000 lekë. Në raste të përsëritura dënohet me dyfishin e gjobës”.

Neni 3

Ky ligj hyn në fuqi 15 ditë pas botimit në Fletoren Zyrtare.

Shpallur me dekretin nr.837, datë 5.5.1994 të Presidentit të Republikës së Shqipërisë, Sali Berisha.